

i laboratori ci sono state ulteriori esibizioni, quelle dei cori Mosaico di Voci diretto da Giovanni Molaro (che ha collaborato all'intero progetto Giovani voci in coro anche in veste di pianista) e Sidorèla del Cedim di Tamara Mansutti e Nadia Olivo. Un pubblico caloroso ha accolto tutte le performance e in particolar modo l'impegno dei cori-laboratorio che dopo soli due giorni di prove in un contesto e in un organico totalmente nuovi hanno presentato una selezione internazionale di brani dai numerosi risvolti didattici, anche a livello di presentazione scenica. Oltre a Molaro, hanno contribuito alla completezza delle esibizioni i musicisti Simone Zoletto al violino e Maria Lincetto al flauto. Parallelamente ai corsi si è svolto anche lo stage del Coro giovanile regionale del Friuli Venezia Giulia con la sua direttrice Fabiana Noro. Il coro regionale ha aperto il concerto finale con una breve esibizione improntata alla varietà di stili con musiche di Lauridsen, Ferrario, Piazzolla e un arrangiamento da un successo dei Coldplay.

Il periodo dei laboratori anticipa l'inizio dell'anno scolastico e "corale" e appartiene ancora, complice anche il sole e il mare di Lignano, alla rilassata atmosfera delle vacanze, che dispone al buonumore e alla curiosità. Tale è stata anche l'atmosfera di Giovani voci in coro in un'oasi di vita corale che per tre giorni ha catturato l'attenzione dei giovanissimi partecipanti. L'approccio è stato anche il riflesso delle buone pratiche applicate nei cori di appartenenza e ha restituito un'immagine molto positiva della realtà corale associativa, fatta di piccoli e giovani cantori desiderosi di imparare e mettersi alla prova. Non è stata banale l'osservazione espressa durante uno degli incontri dello study tour: nelle ore di prove i cellulari non hanno costituito in alcun modo una fonte di distrazione e sono stati lasciati completamente da parte, senza alcuna fatica.

Rubrica a cura di

USCIVFG
Unione Società Corali
del Friuli Venezia Giulia

'InPark' cumò e je ancje par furlan



Di çampe: Eros Cisilino, president de ARLeF, Alessandro Venanzi, vicesindic dal Comun di Udin, Pierluigi Pellegrini, diretôr gjenerâl di SSM e Andrea Virgilio, aministradôr delegât di Beliven

ARLeF, SSM e Comun di Udin a àn presentade la version in lenghe furlane de gnove app par gjestî la soste a paiament

InPark, la app di SSM Sistema Sosta e Mobilità, la societât che e gjestis lis areis di soste su strade e intes structuris, e fevele par furlan. E je une version che si è rivâts a fâ graciis ae ARLeF – Agenzie regjonâl pe lenghe furlane. "O sin contents di vê colaborât cun SSM par chest progjet – al à marcât Eros Cisilino, president de Agenzie – parcè che la gnove version in lenghe furlane e da impuartance e visibilitât a un dai aspjets strategjics dal nestri Plan di Politiche Linguistiche: l'ûs dal furlan te vite di ogni di dai citadins. Friuli Doc e je stade la ocasion ideâl par presentâ cheste novitât che e cjape dentri i utents di Udin, di Cividât e di Tumeç." La version in lenghe furlane di InPark, di fat, e je stade presentade a Friuli Doc. Al event a àn partecipât il vicesindic e assessôr ai grancj events dal Comun di Udin, Alessandro Venanzi, il diretôr gjenerâl di SSM, Pierluigi Pellegrini, il president de ARLeF, Eros Cisilino e Andrea Virgilio, aministradôr delegât di Beliven, la software house di Udin che e à disvilupât la app. "O vin volût infuarti il leam cul teritori, mostrant che o sin dongje

de comunitât e de culture locâl – al à evidenziât il president di SSM, Emilio Occhialini -. Il fat che il nestri prodot cumò si lu puedi doprâ ancje in lenghe furlane al è une maniere par che i nestris servizis a sedin plui inclusifs, lant incuintri aes dibisugnis di duçj i utents."

"Cu la version in lenghe furlane o vin fat un altri pas indenant bande une mobilitât plui inteligjente e sostignibile, buine di valorizâ il plurilinguism e la culture locâl midiant de inovazion tecnologjiche", al à ribatût il diretôr gjenerâl di SSM, Pierluigi Pellegrini.

Ancje Andrea Virgilio, aministradôr delegât di Beliven, al à pandût la sô grande sodisfazion: "O sin braurôs di vê contribuit a un progjet che al puarte in miôr no dome la esperience dai utents, ma che al valorize ancje la lenghe furlane, metint adun inovazion e culture locâl."

Par vê la version furlane di InPark, al baste jentrâ tal profil e sielzile tal menù "Sielç la lenghe". La app, mandade fûr ai 5 di Lui di chest an, cu la sô gnove version, che e à dentri la traduzion furlane, e presente novitâts impuartantis, par esempli ché di podê paiâ cun Apple Pay e Google Pay. Tra lis gnovis funzionalitâts o cjatin une organizazion plui intuitive e, pe soste intune strutture, la pussibilitât di visualizâ in timp reâl i parcaments dongje che a son disponibii.